

傷寒論方

合解

R. 25. 2
19

辛亥秋梓

張仲景先師原文

許星東先生合解

潼郡許氏家藏板

張仲景原序

余每覽越人入虢之診，望齊侯之色，未嘗不慨然嘆其才秀也。怪當今居世之士，曾不留神醫藥，精究方術，上以療君親之疾，下以救貧賤之厄，中以保身長全，以養其生，但競逐榮勢，企踵權豪，孜孜汲汲，惟名利是務，崇飾其末，忽棄其本，華其外，以悴其內，皮之不存，毛將安附焉？卒然遭邪風之氣，嬰非常之疾患，及禍至而方震慄，降志屈節，欽望巫祝，告窮歸天，束手受敗，賫百年之壽命，持至貴之重器，委付凡醫，恣其所措，咄嗟嗚呼，厥身以斃，神明消滅，變爲異物，幽

潛重泉徒爲啼泣痛夫舉世昏迷莫能覺悟不惜其命若是輕生彼何榮勢之云哉而進不能愛人知人退不能愛身知己遇災值禍身居厄地蒙蒙昧昧蠢若遊魂哀乎今世之士馳競浮華不固根本忘軀殉物危若冰谷至於是也余宗族素多向餘二百建安紀年以來猶未十稔其死亡者三分有二傷寒者十居其七感往昔之淪喪傷橫天之莫救乃勤求古訓博采眾方撰用素問九卷八十一難陰陽大論胎臚藥錄并平脈辨證爲傷寒雜病論合十九卷雖未能盡愈諸病庶可以見病知源若能尋余所集思過半

矣。夫天布五行以運萬類，人稟五常以有五藏。經絡府俞陰陽會通，元冥幽微變化難極。自非才高識妙，豈能探其理致哉？上古有神農黃帝、歧伯、伯高、雷公、少俞、少師、仲文，中世有長桑、扁鵲。漢有公乘陽慶及倉公，下此以往，未之聞也。觀今之醫，不念思求經旨，以演其所知，各承家技，終始順舊，省疾問病，務在口給，相對斯須，便處湯藥，按寸不及尺，握手不及足，人迎跌陽三部不參，動數發息不滿五十，短期未知決診，九候曾無髣髴。明堂闕庭，盡不見察，所謂窺管而已。夫欲視死別生，實爲難矣。孔子云：『生而知之者上。』

日夫殆既天限主實為鑠矣此云坐而映之者土
結此刻會無邊續即堂闢風盡不見察也脂寢管而
吸翅則三陪不參煙燈發息不齒五十頭眼未映矣
餘昨謹祺取則靈影藥卦不又只對毛不又只入
以斷其祖映各承定卦絲故則書省赴問燕絲至口
會公可此以卦未之聞也購今之習不念思求絲言
少會少福卦文中世育昇桑扁諸葉育公乘則靈又
豈詣繼其野姪姑上古育輒豐黃帝赴卦卦高雷公
執會創則會顯示冥幽姪變卦鑠絲自非本高端妙
矣夫天亦正可以聖萬賤人稟正當以育正慈靈絲

傷寒論方合解許星東自序

醫之仲景儒之孔子先聖後聖未有能及者故孔子修春秋而大經大法定天覆地載之中血氣賴倚終不能易焉仲景著本論而六經之法彰施及華夷傳諸萬世終不能改焉此非天心私佑二人之所爲也以二人體天地之心而爲之故與天地並垂而不朽也此天心之仁也仲景體天心之仁而用於醫故本論其天縱之至善盡美哉嗣後之醫非不知仲景之法善而不欲登其堂入其室矣以叔和序例失之毫釐迨宋元則差之千里遂使仲景之法爲塵飯土羹

而不可用也其間縱有一二深思者亦狃於積習曰
斷簡殘篇白晝不肯造其域則堂愈深而室愈遠茫
茫不知其有天日燭火逞光而自得斯民狃於藥殺
而不爲怪災賢者目爲小道而不之整作冤魂痛哭
在在寒心千有餘載矣迨我

朝張隱菴迺得不傳之緒而解之張令韶喻嘉言柯
韻伯與有其力而各不免小疵之跡噫脩園從而補
之志有餘而力不及使聖經久非天地之完物正生
陳氏後百餘年遭時世之有爲幼困沉疴力專方術
察天地生成之理求聖人用心之端究人身氣血之

源形神之用物類之性試諸於已驗諸於人二十餘
年畧有得焉廼補前人之瑕疵合方論而爲一體將
使學者知論之出於方解方而可解論也方論旣明
然後乃得聖聖之心傳別前人之得失證世俗之是
非觀已學之真僞爲將來天下之厚望也嗚呼正非
敢幸爲生事也傷先聖旣往道在於人千載相逢契
合一心管窺蠡測欲告諸人乃閉戶沉潛謝絕安晏
繁華艷麗目不視誇多鬪靡耳不聞寢食縈心寒暑
益力雖云一念之職數歲乃成有志升階入室之士
見之庶有取於斯編宣統二年歲次庚戌季秋重

蜀北射洪許宗正星東氏撰於梓州敬室

此方氏以...

許綏之序

仲景爲醫中之聖人皆知之醫道之必宗仲景人皆知之由仲景而來至於今凡業醫者無不道仲景之道讀仲景之書也而觀其審病用法臨證約方則往往大乖於仲景有與言仲景之法及仲景之方者或以醫不執方而不專用或以今昔稟賦懸殊而不宜用口遵仲景心實疑之此何故與蓋仲景之書文古理精辭約義奧非好學深思心知其意固難爲淺見寡聞者道也家堂侄星東幼聰穎善讀書既長喜談理學篤嗜程朱之言以身怯多疾兼習於醫其肄業時

卽抗心希古專以仲景之書爲宗而尤究心於傷寒
本論自宋元以來諸名家註無不默識心通閱歷旣
久會悟愈增見解愈確知各家之說有刻意求深而
或流於沉晦有徒事敷衍而不得其精微者因去其
所短取其所長發其所未明補其所未備依經考義
證以心得著爲傷寒論方合解一書委余校正披而
閱之其體例則縷晰條分其詮註則字斟句酌俾傷
寒義蘊一目瞭然蓋以其究理之學致功於醫造就
自不同也余筆耒有年課讀之餘間亦涉躐方書至
傷寒本論覽各家註釋皆不少精詳切當之處而疏

畧間所不免久欲參稽互證簡擇諸集輯錄成編少
助學人而力有未暇茲閱星東之書適與余素願相
合其啟發人意豈淺鮮哉業醫之士得此書而讀之
由是以探傷寒方法之祕向之有疑於心以至大乖
仲景者今悉得其解可深信焉而力遵仲景雖未遽
升其堂入其室而取法乎上卽足什百於尋常醫道
之前途其進步不可量也已爰弁數語於簡端促付
剞劂以公諸世宣統辛亥年七月旣望謝恩貢士許
東來大履綏之氏序於桃溪書屋之慎思齋

傷寒論方合解

卷首

六

合其如婦人育宜對辨其義之十
此書而讀之
如學人而代育未別茲開其來之
旨盛興余素願
歸其神驗丸散少

傷寒論方合解卷首

蜀北射洪許宗正星東編集

堂叔大履綏之校正

凡例

一傷寒論爲古今醫書之矩矱仲景以前古之醫書得之益見其高深仲景以後迄今之醫書得之乃知其邪正非醫中之至聖其孰能與於此非善讀仲景之書及古今之醫書者亦不足以語此

一本論獨舉傷寒爲名者以寒爲六淫之本舉寒則風暑溼燥火次第承焉故不必盡言也亦著書之

體例必如此也。前賢謂此書原名卒病論，因章節之首多稱傷寒，遂名爲傷寒論。其言近似，而今不可攷也。後代名賢顧名不責其實，謂此論只可以治傷寒，不可以治他病。試問論中言藏府六經六淫氣化之分合、形症之錯綜、巨細之治法、死生之占驗、靡不極盡其周詳。今之萬病孰有能舍此藏府六經六淫氣化形證治法而別求之者乎？是知本論不獨爲治傷寒而實爲治萬病之綱紀法程也。

一醫書始於神農本草經，次有靈素湯液難經，仲景